

տեսնես ալիւրի կամ ցորենի Վփեթակը. դա մօտ 3 արշին քարձրութեամբ և 1<sup>1</sup>/<sub>2</sub> արշին լայնութեամբ՝ ցեխից շինուած, քառակուսի մի ամբար է, որի մէջ ածուս են ամբողջ տարւայ համար աղացած ալիւրը:

Սի ալլ անկիւնում գրւած է լինում 2—3 աւելի մանուկների գիւղական օրօրոցները, մի ուրիշ կողմում՝ պատի տակ՝ իրար կողքի շարուած են զանազան մեծութեամբ ջրի կժերն ու կարասները, մի ալլ կողմում գրւած է դարակն իր բաժանմունքներով. այդ դարակների մէջ դասաւորուած են տան ամանեղէնները՝ մեծ և փոքր պղինձներ, թասեր, նալբաքիներ, փլաւի քամիչ և այլն: Իսկ նրա վրան գրւած են մի քանի սալակներ. մի ուրիշ կողմում կողովների տակ գրւած է շորթանը, պանիրը կամ մածունը: Այս սենեակի մօտ է գտնուում թոնրատունը: Գրեթէ մէջտեղում թաղուած է թոնիրը, որի մօտ գրւած են լինում տաշտը, մաղը, սեղանափախտակը և այլն: Իսկ դուրսը դռների և պատերի առաջ ընկած են երկրագործական զանազան գարձիքներ. — արօր, լուծ, անիւներ, մանգաղ, գերանգի, ուրագ, կացին, քահ, խոփ և այլն:

Կահ կարասիներ եւ իրեր: Տանը գտնուում են հետևեալ կահ կարասիներն ու իրերը. — անկողին՝ դռշակ, վերմակ, քարձ, դալի, կարպետ, թաղիք, տախտ (քիչ է). սեղան, ակթոռ (քիչ են), հացի սնդուկ, կաթսա (ղազան, կաթի, մսի, դաւուրմայի), թաւան, թեփսի, լագան, լանգեառի, խուփ, խնոցի (կաւէ) թաշտ, կարաս, կճուծ, կուժ (մեծ ու փոքր), թասեր, սափոր, բժուկ (կաթ կթելու աման), պտուկ (մածնի, կաթի), քիյի իրեր՝ սամօփար (քիչ է), թէյաման, չայդան, թէյի բաժակ, գդալ, ափսէ, սինի, թեշէ, գդալ (մեծ). շերեփ, պատառաքաղ (քիչ է), ձիթի ճրագ, լամփա (քիչ է), մոմակալ, մաշա. քապներ՝ ծըխախոտի, փողի, կանանչեղէնի, մսի, ծխախոտի աման, չիբուխ, ղէլլան, կշեռք, սանդր, հայելի (քիչ է), ճախարակ, ջահճա, թոռ, դազգահ (գորգ և կարպետ գործելու), խուր-